

皇朝文獻通考
卷之八
禮
全書



丹溪心法卷三

元 丹溪朱震亨著

脫肛二十八

脫肛屬氣熱 氣虛 血虛 血熱 氣虛者補氣參

芪芎歸升麻 血虛四物湯 血熱者涼血四物湯加

炒柏 氣熱者條芩六兩升麻一兩麴糊丸外用五倍

子爲末托而上之一次未收至五七次待收乃止

又東北方壁土泡湯先熏後洗

附錄肺與大腸爲表裏故肺藏蘊熱則肛門閉結肺

藏虛寒則肛門脫出又有婦人產育用力小兒久痢
皆致此治之必須溫肺藏補腸胃久則自然收矣

附方

香荆散 治肛門脫出大人小兒皆主之

香附子 荆芥 等分 砂仁

右爲末每服三錢水一碗煎熱淋洗 每服三錢煎

服亦可

又方

五倍子爲末每用三錢煎洗

又方木賊不以多少燒灰爲末摻肛門上按入卽愈

嘔吐二十九

凡有聲有物謂之嘔吐有聲無物謂之噦 胃中有熱

膈上有痰者二陳湯加炒山梔黃連生薑 有久病嘔

者胃虛不納穀也用人參生薑黃芪白朮香附之類

嘔吐朱奉議以半夏橘皮生薑爲主 劉河間謂嘔者

火氣炎上此特一端耳 有痰膈中焦食不得下者

有氣逆者 有寒氣鬱於胃口者 有食滯心肺之分

而新食不得下而反出者 有胃中有火與痰而嘔者

嘔吐藥忌瓜蘆杏仁桃仁蘿蔔子山梔皆要作吐丸
藥帶香藥行散不妨 注船大吐渴飲水者卽死童便
飲之最妙

附方

理中加丁香湯 治中脘停寒喜辛物入口卽吐

人參

白朮

甘草

炙

乾薑

泡各一錢

丁香

十粒

右咬咀生薑十片水煎服或加枳實半錢亦可不効

或以二陳湯加丁香十粒并須冷服蓋冷遇冷則相

入庶不吐出又或活人生薑橘皮湯

活人生薑橘皮湯

橘皮 四兩

生薑 半斤

右咬咀水七盞煮至三盞去滓逐旋溫服

熱嘔

濟生竹茹湯

小柴胡加竹茹湯

見瘧類

右並用生薑多煎服

濟生竹茹湯

葛根 三兩

半夏 炮七次

甘草 炙一兩

右咬咀每四錢水一盞入竹茹一小塊薑五片

加味二陳湯

治停痰結氣而嘔

半夏

橘皮

各五兩

白茯苓

三兩

甘草

炙一兩半

砂仁

一兩

丁香

五錢

生薑

三兩

右水煎服

吐虫而嘔方

黑鉛炒成灰檳榔末米飲調下

惡心三十

惡心有痰

有熱

有虛

皆用生薑隨症佐藥戴云

惡心者無聲無物心中欲吐不吐欲嘔不嘔雖曰惡心

實非心經之病皆在胃口上宜用生薑蓋能開胃豁痰也

附錄惡心欲吐不吐心中兀兀如人畏舟船宜大半夏湯或小半夏茯苓湯或理中湯加半夏亦可又胃中有熱惡心者以二陳加生薑汁炒黃連黃芩各一錢最妙

附方

大半夏湯

半夏

陳皮

茯苓

各二錢半

右咬咀水二盞薑二錢半煎入分食後服

小半夏茯苓湯

半夏

五兩

茯苓

三兩

右咬咀每服八錢用水一盞半煎至一盞入生薑自然汁投藥中更煎一兩沸熱服無時或用生薑半

斤同煎

理中湯

見中寒

欬逆三十一

欬逆有痰 氣虛 陰火 視其有餘不足治之其詳

在格致餘論 不足者人參白朮湯下大補丸有餘并

有痰者吐之人參蘆之類 痰礙氣而呃逆用蜜水吐

此乃燥痰不出 痰者陳皮半夏 氣虛人參白朮

陰火黃連黃柏滑石 欬逆自痢者滑石甘草炒黃柏

白芍人參白朮陳皮加竹荊瀝服

戴云呃逆者因痰與熱胃火者極多

附錄欬逆爲病古謂之噦近謂之呃乃胃寒所生寒

氣自逆而呃上此証最危亦有熱呃已見傷寒証其

有他病發呃者宜用半夏一兩生薑半兩水煎熱服

或理中湯加枳殼茯苓各半錢半夏一錢不効更加
丁香十粒 吐利後胃虛寒咳逆者以羌活附子湯
或丁香十粒柿蒂十箇切碎水煎服吐利後胃熱咳
逆者竹皮竹茹湯 亦無別病偶然致呃此緣氣逆
而生宜小半夏茯苓湯加枳實半夏或煎湯泡蘿蔔
子研取汁調木香調氣散熱服之逆氣用之最佳

附方

橘皮乾薑湯 治咳逆不止

橘皮

通草

乾薑

桂心

甘草 炙各二兩

人參 一兩

右用五錢水煎服

生薑半夏湯 通治咳逆欲死

半夏 一兩

生薑 二兩

右以水煎溫作三服

陰証咳逆

川烏

乾薑 炮

附子 炮

肉桂

芍藥

甘草 炙

半夏

吳茱萸

陳皮

大黃 等分

右為末每服一錢生薑五片煎服

人參白朮湯

人參

黃芩

柴胡

乾葛

梔子仁

甘草炙各半兩

白朮

防風

半夏泡七次

五味

右咬咀每服四錢薑三片煎

羌活附子湯

治呃逆

木香

附子炮

羌活

茴香炒各半兩

乾薑一兩

右爲末每服二錢水一盞半鹽一捻煎二十沸和相

熱服一服止

三因加丁香

橘皮竹茹湯

橘皮

一升

竹茹

一升半

甘草

炙二兩

人參

半兩

棗子

三十箇

生薑

半兩

右咬咀水十盞煎至三盞作三服

小半夏茯苓湯

二陳湯加黃芩煎

木香調氣散

白蔻仁

丁香

檀香

木香

各二兩

藿香

甘草

炙各八兩

砂仁

四兩

右爲末每服二錢入鹽少許沸湯點服

大補丸

見補損

理中湯

見中寒

翻胃三十二

翻胃大約有四

血虛

氣虛

有熱

有痰兼病

必用童便菲汁竹瀝牛羊乳生薑汁

氣虛入四君子

湯右手脈無力

血虛入四物湯加童便左手脈無力

切不可用香燥之藥若服之必死宜薄滋味治反

胃用黃連三錢生薑汁浸炒山查肉二錢保和丸二錢
同爲末糊丸如麻子大臙脂爲衣人參湯入竹漚再煎
一沸下六十丸 有痰二陳湯爲主寸關脈沉或伏而
大 有氣結宜開滯導氣之藥寸關脈沉而濇 有內
虛陰火上炎而反胃者作陰火治之 年少者四物湯
清胃脘血燥不潤便故澁格致餘論甚詳 年老雖不
治亦用參朮關防氣虛胃虛 氣虛者四君子湯加蘆
根童便或參苓白朮散或葦汁牛羊乳或入駝駝尿大
又有積血停於內而致當消息逐之大便澁者難治常

令食兔肉則便利 翻胃卽膈噎 膈噎乃翻胃之漸
發揮備言年高者不治 糞如羊屎者斷不可治大
腸無血故也

戴云翻胃血虛者脈必數而無力氣虛者脈必緩而
無力氣血俱虛者則口中多出沫但見沫太出者必
死有熱者脈數而有力有痰者脈滑數二者可治血
虛者四物爲主氣虛者四君子爲主熱以解毒爲主
痰以二陳爲主

又方